

AMAAMANAKI KE FAKAMAU HIGOA MO E VILI.



**ELECTORAL
COMMISSION**
TE KAITIAKI TAKE KŌWHIRI

Ko e hā ne fakamau higoa ai ke vili?

Kaeke ke fakamau higoa a koe ke vili, to maeke a koe ke fai talahauaga ke he tau viliaga lalahi, tau vili maaga mo e tau viliaga. Kua eke e tau viliaga lalahi mo puhala ke fai talahauaga a koe ko hai ke eke mo haau a hukui ke he tau matakupu kua mahuiga ki a koe.

Ke mailoga kua fai tauteaga ke he haau a tau manatu kua lata a koe ke fakamau higoa ke vili.



Ko hai ke fakamau higoa ke vili?

Kua lata a koe ke fakamau higoa kaeke kua:

- **18 po ke motua atu foki e tau tau moui haau, mo e**
- **kua fai totouaga ko e tagata Niu Silani po ke tagata nofomau i Niu Silani, mo e**
- **nofomau a koe i Niu Silani ke molea atu taha e tau he taha magaaho he haau a moui mo e nā kai mamutu.**

Kaeke ko e Osetalia, Mauli Atu Luga, Niue po ke Tokelau a koe, maeke ke fakamau e higoa haau kaeke kua nofomau a koe i Niu Silani ke he 12 e tau mahina nā kai mamutu.

Kaeke kua nofo a koe i fafo ha Niu Silani, maeke a koe ke fakamau higoa ke vili kaeke ko koe:

- **ko e tagata Niu Silani kua nofomau i Niu Silani ke he tolu e tau tau kua mole atu; po ke**
- **ko e tagata nofomau a Niu Silani ne kua nofo i Niu Silani he hogofulu ma ua mahina kua mole atu.**

Maeke a koe ke vili he magaaho ka tū e 17 haau a tau tau. Ko e kakano, kaeke ke katoa e 18 he tau tau haau kua fitā nī a koe he fakamau higoa mo e kua mau amanaki ke vili.



Fakamau higoa fēfē au?

Mukamuka ke fakamau tohi po ke fakafoou haau a tau talahauaga. Maeke a koe:

- Finatu ke he **vote.nz** mo e fakaaoga haau a tohi fakaholo, tohi Fano Fenoga ha Niu Silani po ke fakamailoga RealMe ke fakamau tohi he initanete.
- Hea ke he telefoni ai fai mo e totogi **0800 36 76 56**

Ka fakamau higoa a koe, to tohia ai haau a higoa he pepa tagata vili. Kua lata a koe ke hā hā i loto he fakamauaga tagata vili ke vili.

Kua lata a koe ke fakafoou haau a tau talahauaga he tau magaaho oti ka hiki ai haau a fale.



Manako lagomatai ke fakamau tohi?

Maeke a koe ke ole ke he taha tgata ne iloa e koe tuga e kapitiga po ke taha he magafaoa, po ke ole ke he takitaki lahi he tau viliaga ke he matakavi kua nofo ai a koe, ke lagomatai a koe ke fakapuke haau a pepa vili po ke fakapuke haau a pepa vili maau.

Kua lata a koe ke fakamooli matalima e laupepa.

Kaeke kua iloa e koe taha kua nākai maeke ke fakapuke mo e fakamooli matalima haana a laupepa vili hā ko e tau hagahaga kelea ke he tau alaga tino po ke manamanatuaga, maeke a koe ke lagomatai.

Finatu ke he **vote.nz** ke moua atu foci falu a lagomataiaga ke lata ma e taha kua manako ke fakamau tohi ke vili.



Fakamau higoa ke vili kaeke ko e Mauli a koe

Kaeke tupu mai a koe he tau Māuli mo e ko e fakamau higoa fakamua a nai haau, fai fifiliaga uho a koe ke taute. Kua lata a koe ke fifili ko e pepa fakamau tagata vili fē haau kua manako ke tuku ai haau a higoa: ko e pepa fakamau laulahi po ke pepa fakamau he tau Māuli.

Ko e fifiliaga haau to lauia e maaga ke vili a koe i ai he viliaga lahi.

Kaeke ke fifili e koe e viliaga laulahi to vili a koe ki a ia he matakavi vili laulahi. Kaeke ke fifili e koe e viliaga Māuli, to vili a koe ke he tagata he Viliaga Māuli. Maeke a koe ke vili ke he fakapapahiaga taha he tau matakau politika ko e fakamauaga vili fē kua toka ai haau a higoa.

Ko e fakapapahiaga tagata vili kua fifili a koe ki ai, liga to lauia e puhala vili haau ka vili a koe he tau viliaga maaga. Kaeke kua tohia haau a higoa he fakapapahiaga tagata vili Mauli, ti fai Takitaki Mauli e pule maaga haau, to vili a koe ke he taha mai he tau Takitaki Mauli he viliaga maaga ka liu foki.

Kaeke ke hiki haau a manatu he magaaho kua oti he fifili e koe haau a fakapapahiaga tagata vili (Mauli po ke laulahi) maeke a koe ke hiki e fakapapahiaga ke he fifiliaga Vili Mauli ne fā mahani ke fakahoko he tau 5 tau oti.



Tupetupe ke he haau a moui haohao mitaki?

Kaeke kua tupetupe a koe ke he haau a moui haohao mitaki fakatagata, po ke haau a magafaoa, maeke a koe ke taute tohi ole ke fano a koe he viliaga nākai lolomi. To puipui e mautolu haau a tau talahauaga fakamau higoa mo e nākai foaki atu ke he ha tagata.

Fakatutala mo e Takitaki he tau Viliaga he maaga haau po ke finatu ke he **vote.nz** po ke hea e **0800 36 76 56** ke moua foki falu a talahauaga mo e laupepa fakapuke.



Ka manako talahauaga foki?

Ma e falu a talahauaga atu foki ke he fakamau higoa mo e vili:

- Finatu ke he Visit **vote.nz**
- Ahiahi atu ke he **facebook.com/VoteNZ**

Moua e tau talahauaga ke he fakamauaga higoa mo e vili ke he 27 e vagahau he **vote.nz**.



**ELECTORAL
COMMISSION**
TE KAITIAKI TAKE KŌWHIRI